



Aqqaluaq B. Egede
Inuit Ataqatigiit sinnerlugit inatsisartuni ilaasortaq
inatsisartut@inatsisartut.gl

185/2020-imut tunngatillugu § 37 naapertolugu apeqqutinut akissuteqaat

09-11-2020
Sags nr. 2020 - 16107
Akt nr. 15291652

Asasara Aqqaluaq B. Egede,

Inatsisartut suleriaasaanni § 37 naapertolugu apeqqutinnut qujanaq
Apeqqutit akissutinnut innersunneqarput.
Apeqqutit ataani issuarneqarput immikkullu akissuteqarfingineqarlutik.

Postboks 1160
Tlf: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

1. Kikkulluunniit nalunngilaat, iliuusissanut tunngavigisassat malinnejarnissaat qanoq pingaaruteqartigisoq. Naalakkersuisut paasissutissiissutigisinnaanerlugu, Peqqissutsimut Pitsaliuinermullu Aqutsisoqarfip suna tunngavigalugu Nuummi illut/inissiat uku attartornissamut isumaqatigiissuteqarsimanersoq?

Akissut:

Namminersorlutik Oqartussat sinnerlugit kikkut atuisinnaanerannut maleruagassat naatsorsuutit pillugit quppersakkami imm. 1.4-imi takuneqarsinnaapput.

Taanna naapertolugu Aningaasaqarnermut Inatsimmi aningaasaliissutaasut, aningaasaqarnermut atatillugu maleruagassat immikkut aalajangersakkat, Naalakkersuisuni ilaasortanut tamanut iliuuseqarnissamut pisinnaatitsipput.

Tamatuma saniatigut Aningaasaqarnermut Inatsit aningaasaliissutinut ataasiakkaanut oqaasertaliussanik imaqarpoq. Oqaasertaliussat aningaasaliissutinik aqutsinermut ilassuttaapput.

Naalakkersuisuni ilaasortaq tassaavoq aningaasaliiffingineqartoq, pisiortugassanilli kiffartuussinernillu inniminniinnerit tamakkerlugit, kingornalu atuisinnaanermut akuersinerup Naalakkersuisuni ilaasortamit saqqummiunneqarlutillu atsiorneqarnissaat nalinginnaasumik ajornarluinnassaaq.

Taamaammat tamanna pisinnaatitsinkut imal. atorfik naapertolugu pisinnaatitsinkut, taakkulu atuisinnaanermik - atorfip suliassaqarfisa iluanniittumik – naammassinninnisamut pisinnaatinnerisigut ingerlanneqarpoq.

2. Naalakkersuisut piumaffigineqarput, illuni taakkunani attartornermi akisuner-paaq akikinnerpaarlu aamma kvadratmeterimut ukiumut agguaqatigiissillugu qanoq akeqarnersoq paasissutissiissutigissagaat.

Akissut:

Inimik attartornermi ukiumut m2-imut aki qaffasinnerpaaq:	2584,02 kr.
Inimik attartornermi ukiumut m2-imut aki appasinnerpaaq:	1053,57 kr.
Inimik attartornermi ukiumut m2-imut agguaqatigiissitsinermi aki:	1947,67 kr.

Kisitsisit taakkartorneqartut illuutinut tamanut, tassani quersuarmik attartorneq, ilanngun-neqarput.

3.Naalakkersuisut piumaffigineqarput, inimik attartornermi isumaqatigiissutini taakkunani taamaatinneqariaannaanngitsoq sivikinnerpaaq sivisunerpaarl paasissutissiissutigineqassasut.

Akissut:

Inimik attartortitsinermi isumaqatigiissut taamaatinneqariaannaanngitsoq sivikinnerpaaq qaammatnik arfinilinnik sivisussuseqarpoq sivisunerpaarl ukiunik qulinik sivisussuseqarlni. Illu taanna tarnimikkut nappaatillit katsorsarnissannut atorneqarpoq.

4.Naalakkersuisut piumaffigineqarput paasissutissiissutigineqassasoq, inissiat taakku utaqqiisaasumik inissiatut allatulluunniit inissiisarfugallartutut aamma / imaluunniit sulisunut inissiatut atorneqarpat?

Akissut:

Attartortitat inissiatut atorneqartut sisamaapput. Siulleq sulisunut inissiatut atorneqarpoq pingasullu attartortunut 18-inut inissallit, inissamik pissarsinissamut utaqqiisaa inissiatut imal. sivikitsumik najugassatut atorneqarput. Attartortitat inissamik tunineqarnissamik utaqqinermi -sivikitsumilluunniit najugassatut tunniunneqartarnerat pisariaqartitsineq naapertorlugu nikerarpoq.

5.Sisamaattut apeqqummut uiggiullugu Naalakkersuisut piumaffigineqarput, utaqqiisaasumik inissiat, inissiisarfugallartut sulisunut inissiat attartorneqaraangata qaammammut kvadrameterimut akia paasissutissiissutigineqassasoq.

Akissut:

Qaammammut attartortitamut ataatsimut m2-imut Peqqinnissaqarfimmit akiliutigineqartarput:

Siullermut: 161,27 koruunit

Aappaannut: 125,95 koruunit

Pingajuannut: 215,41 koruunit

Sisamaannut: 146,55 koruunit

Attartortitaq siulleq tassaavoq sulisunut inissiaq sulisumit m2-imut 61,08 koruuninik akiler-neqartartoq.

Attartortitat aappaanniit sisamaat ilanngullugu nalinginnaasumik inissiaapput utaqqiisaasumik inissiisarfiusut attartortunit akiliinani ineqarnerup nalinganik akileraarfiusartut. Inissiat taakku sivikitsumik najugassatut atorneqarpata, attartortut maleruagassat atuuttut naapertorlugit ineqarnermut akiliuteqartarput, takuuk Peqqissutsimut Naalakkersuisoqfiup kajallaatitaa nr. 16, 13. April 2018-imeersoq (taassuma kingorna kaajallaasitsaq nr. 16) tamannalu qaammammut m2-imut ima akeqalersitsivoq:

Attartortitat:

aappaannut: 71,08 koruunit

pingajuannut: 54,79 koruunit

sisamaannut: 64,73 koruunit

6.Peqqissutsimut Naalakkersuisoqarfíup inissiat pillugit kaajallaasitaani nr. 16, 13. april 2018 - imeersumi peqqissaavimmi sulisut utaqqiisaasumik inissaqartinneqartarnerat il.il. tunngatillugu Naalakkersuisut piumaffigineqarput, paasissutissiissutigeqqullugu kaajallaasitaq 16 Illuutinik najugaqarfissatut attartortitsisarneq pillugu Namminersornerullutik Oqartussat nalunaarutaat nr. 12, 23. april 2008-imeersumut qanoq illilluni naapertuunnersoq, innersuussutigalugit Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersoq § 4 imm. 3 aamma 4 Inatsisartut peqqussutaat nr. 14, 20. november 2006-imeersukkut allanngortinneqartoq.

Akissut:

Inatsisartut peqqussutaanni § 4 inissianut utaqqiisaasumik inissiisarfiugallartunut tunngassuteqarpoq.

Imm. 1-imí aalajangersakkami peqqussutip utaqqiisaasumik inissiisarfiusunut atuutinnginnera erseqqissarneqarpoq.

Utaqqiisaasumik inissiivik tassaavoq sulivilissussanut inissamik tunineqarnissamut pisinnaatitaaffeqartunut utaqqiisaasumik inissiaq. Utaqqiisaasumik inissiineq atorfinnermut atatillugu inissamik innersuussisinnaalernissap tungaanut atorneqartarpoq.

Tamatuma saniatigut peqqussutip allatut utaqqiisaasumik inissiigallarnermut atuutinnginnerattaaq imm. aappaanni aalajangersakkami erseqqissarneqarpoq.

Allatut utaqqiisaasumik inissiigallarneq tassaasinnaavoq Peqqinnissaqarfíup taartagallartussanik imal. sivikitsumik atorfeqartussanik inissiinera.

Allatut utaqqiisaasumik sulisunik Namminersornerullutik Oqartussat kommunilluunniit inissiaataanni inissiinermi akiliisitsisoqarsinnaavoq, takuuk § 4, imm. 3. Kiisalu § 4, imm. 4 naapertorlugu Naalakkersuisut inissianut akiliutip annertussusissaanik aalajangiineq, inissiinermut atatillugu aningaasartuutit allat matussusernissaat ilanngullugit, allaffissorneq ingerlatsinerlu pillugit maleruagassiorsinnaapput.

Illuutinik najugaqarfissatut attartortitsisarneq pillugu Namminersornerullutik Oqartussat nalunaarutaat nr. 12, 23. april 2008-meersoq inissianik attartortitsisarneq pillugu Inatsisartut peqqussutaannik tunngaveqarluni atulersinnejqarpoq.

Nalunaarummi § 1, imm. 3 naapertorlugu, nalunaarummi kapitalit aappaanni inissiigallartarneq pillugu maleruagassat, sulisitsisup sivikitsumillu atorfinitup akunnerminni allamik isumaqatigiissuteqarsimaneranni atorsinnaanngillat.

Peqqinnissaqarfík Namminersorlutik Oqartussanit pigineqartunik sulisunut inissiaateqarpoq. Tamatuma saniatigut Peqqinnissaqarfík A/S INI-mi sulisunut inissiaateqarpoq. Inissiat taakku peqqussummi ilaangillat (qulaaniittoo takuuk).

Peqqinnissaqarfíup inissiaatai Peqqinnissaqarfímmi sulisunut immikkoortunut marlunnut atorneqarsinnaapput:

Immikkoortumi siullermiittut atorfinivittussanut inissamik innersunneqarnissamut pisinnaatitaaffeqartunut utaqqiisaasumik inissatut atorneqartarput. Sulisutut inissamik inner-

suussisoqarsinnaanngornissaata tungaanut, Inatsisartut peqqussutaat § 4, imm. 1 naapertorlugu utaqqiisaasumik inissiigallartoqartarpooq.

Immikkoortut aappaanniittut allatut utaqqiisaasumik inissiivittut, Inatsisartut peqqussutaat § 4, imm. 2 naapertorlugu taartaagallartussanut sivikitsumilluunniit atorfeqartussanut inissiivittut atorneqartarput. Tassaniittut kaajallaatitami nr. 16-imni maleruagassat naapertorlugit ingerlatsinermut peqtinillu attartornermut akiliisussaapput.

Peqqinnissaqarfimmi inissiat taartaagallartussanut allanullu sivikitsumik sulisusanut, inissianik attartortitsisarneq pillugu Inatsisartut peqqussutaat naapertorlugu, inissamik innersuussiviungitsunut atukkiunneqarsinnaanerat, kaajallaatitami nr. 16-imni maleruagassiuunneqarpoq.

Ingerlatsinermut peqtinillu attartornermut akiliutit kiisalu inissiap nutserfiginerani qimanneranilu aserfallassimanera kaajallaatitami maleruagassiuunneqarput.

7.Naalakkersuisut pilersaaruteqarnerlutik, niuertut ikittunnguit iluatatsinnejartarnar- nerat ingerlatiinnarneqassanersoq imaluunniit Naalakkersuisut Nuummi peqqis- saavimmunut inissiatut inissiigallartarfittullu atugassanik sanaartorniarpat?

Akissut:

Naalakkersuisut niuertunik ikittunik iluatatitsinissamik pilersaaruteqannngillat.

Naalakkersuisulli Nuummi Peqqinnissaqarfimmi sulisunut inissanik amerlanerusunik sanaartornissamik pilersaaruteqarput.

Kontomi pingaernermei 20.11.70-imni suliniutinut nutaanut 2022-imiiit ukiumut 3,0 mio. Koruuninik Peqqinnissaqarfimmi sulisunut inissanut atugassanik sillimmateqarpoq. Pingartumik Nuummi Peqqinnissaqarfimmi sulisunut, inissanut tunngatillugu sulisussarsiniarnermut aalaakkasunillu sulisoqarniermut sunniuteqartumik unammilligassaqarpoq. Sulisunut inissaqartitsinermut tunngatillugu unammilligassat ilaatigut tassaapput inissamik tuncineqarnissamut sivisuumik utaqqisarneq.

Inissat namminersortunit attartukkat taamaatinnerisigut aningaasartuutaasussaagaluit sipaakkat kiisalu 2022-imiiit ukiumut 3 mio koruunit aningaasaliissutaasussat ilangullugit, sulisut inissaannik 60-inik sanaartortoqarsinnaanissaa, taamaaliornikkullu inissiat amerlisinnejangaatsiassasut naliliisoqarpoq.

Sulisunut inissiat Illuut A/S-ip ataani inissiatuut realkreditimit aningaasaliiffigineqarnikkut sananeqassapput. Suliniutip naammassineqarnissaanut, pilersarut naammassippat kontomit pingaernermeiit matumaniit aningaasat atugassiissutaassapput immikkoortumullu 34-imut ilangunnejassallutik.

Inussiarnersumik inuulluaqqusillunga
Med venlig hilsen

Anna Wangenheim

